



NguYesu Kristu
kuphela Osindisayo

Uya kuzala unyana ke, umbize ngegama elinguYesu; kuba yena eya kubasindisa abantu bakhe ezonweni zabo. Mateyu 1:21

Kuba wenjenje uThixo ukulithanda kwakhe ihlabathi, ude wancama uNyana wakhe okuphela kwamzeleyo, ukuze bonke abakholwayo kuye bangatshabalali, koko babe nobomi obungunaphakade. Yohane 3:16

Uthi uYesu kuye, Ndim indlela, ndim inyaniso, ndim ubomi; akukho namnye uzayo kuyise, engezi ngam. Yohane 14:6

Akukho lusindiso kuwumbi; kuba akukho gama limbi phantsi kwezulu, linikiweyo phakathi kwabantu, esimele ukusindiswa ngalo. IZenzo 4:12

Kuba ndaninikela kweziyintloko izinto oko ndakwamkelayo nokukwamkela: okokuba uKristu wazifela izono zethu, ngokwezibhalo; nokokuba wangcwatywa, nokokuba uvukile ngomhla wesithathu ngokwezibhalo: 1 Korinte 15:3-4

Esinayo sikuye inkululeko ngokuhlawulelwa ngegazi lakhe, uxolelo lwezono, ngokobutyebi bobabalo lwakhe; Efese 1:7

Kukho iinyaniso ezine ekufuneka siziqonde ngokupheleleyo:

1. UThixo ukuthanda kakhulu.

Ufuna ukuba ube nobomi obungunaphakade ezulwini kunye Naye.

Kuba wenjenje uThixo ukulithanda kwakhe ihlabathi, ude wancama uNyana wakhe okuphela kwamzeleyo, ukuze bonke abakholwayo kuye bangatshabalali, koko babe nobomi obungunaphakade. Yohane 3:16

Ufuna ukuba ube nobomi obuphuphumayo nobunentsingiselo kunye Naye.

Isela liza ukuze libe, lixhele, litshabalalise. Mna ndizele ukuze babe nobomi, babe nabo ke ngokugqithiseleyo. Yohane 10:10

Ngaphandle koku, abantu abaninzi ababufumani ubomi obunentsingiselo kwaye abaqinisekanga enoba banabo na ubomi obungunaphakade kuba...

2 Umntu unesono ngendalo. Yiyo loo nto wahluliwe kuThixo.

Bonke bonile.

Kuba bonile bonke, basilelela eluzukweni lukaThixo; Roma 3:23

Kuba ukuthanda imali yingcambu yeento zonke ezimbi... 1 kuTimoti 6:10

Umvuzo wesono kukufa.

Kuba umvuzo wesono kukufa... KwabaseRoma 6:23

IBhayibhile ichaza iindidi ezimbini zokufa:

- Ukufa ngokwasemzimbeni

Kwanjengokuba ke abantu bamiselwe ukuba bafe kube kanye, ize ke emveni koko ibe ngumgwebo: Hebhere 9:27

- Ukufa kokomoya okanye ukwahlukana ngonaphakade noThixo esihogweni

Ke wona amagwala, nabangakholwayo, nabangamasikizi, nababulali, nabenzi bombulo, nabakhafuli, nabakhonzi bezithixo, nawo onke amaxoki, isabelo sawo siya kuba sedikeni elivutha umlilo nesulfure. Oko kukufa kwesibini. ISityhilelo 21:8

Ukuba umntu wahlulwa kuThixo ngenxa yesono sakhe, siyintoni isicombululo sale ngxaki? Ngokufuthi sicinga ukuba izicombululo zezi: unqulo, imisebenzi emihle, nokuziphatha okuhle.

Kodwa sinye kuphela isicombululo esivela kuThixo.

3 UYesu Kristu kuphela kwendlela eya ezulwini.

Le yingxelo kaThixo.

Uthi uYesu kuye, Ndim indlela, ndim inyaniso, ndim ubomi; akukho namnye uzayo kuyise, engezi ngam. Yohane 14:6

Uhlawule isohlwayo esipheleleyo sezono zethu.

Kuba noKristu wabuva kwakanye ubunzima ngenxa yezono, ilungisa lisiva ubunzima ngenxa yabangemalungisa, ukuze asisondeze kuye uThixo, ebulewe esenyameni, kodwa edliswe ubomi ekuwo umoya:

1 Petros 3:18

Esinayo sikuye inkululeko ngokuhlawulelwa ngegazi lakhe, uxolelo lwezono, ngokobutyebi bobabalo lwakhe; Efese 1:7

Unedinga lobomi obungunaphakade.

Lowo ukholwayo kuNyana, unobomi obungunaphakade; ke lowo ungamviyo uNyana, akayi kubona bomi; ingqumbo kaThixo ihleli phezu kwakhe. Yohane 3:36

Kuba umvuzo wesono kukufa; ke sona isipho sikaThixo bubomi obungunaphakade, kuKristu Yesu iNkosi yethu. Roma 6:23

4. Kufuneka sikholelwe kuYesu Kristu ukuze sisindiswe.

Usindiso lwethu kungenxa yobabalo lukaThixo ngokukholwa kuYesu Kristu.

Kuba nisindiswe ngokubabalwa nangalo ukholo; nako oko kungaphumi kuni, kususipho sikaThixo; akuphumi misebenzini, hleze kubekho bani uqhayisayo. Efese 2:8-9

Kuba bonke abasukuba belinqula igama leNkosi bosindiswa.
Roma 10:13

Umthandazo womoni

Thandaza oku ngokholo.

Nkosi Yesu, enkosi kakhulu ngokundithanda. Ndiyavuma ukuba ndingumoni kwaye ndicela uxolo kuwe. Ndiyabulela ngokufa kwakho emnqamlezweni, ukungcwatywa, nokuvuka kwakho ukuhlawulela zonke izono zam. Ndithembele kuwe njengeNkosi noMsindisi wam. Ndiyasamkela isipho sakho sobomi obungunaphakade kwaye ndinikela ubomi bam kuwe. Amen.

Ukuba uthembela kuYesu Krestu, oku kulandelayo kwenzeke kuwe:

- Ngoku, unobomi obungunaphakade noThixo.

Kuko ke oku ukuthanda kowandithumayo, ukuthi babe nobomi obungunaphakade bonke abambonayo uNyana, bakholwe kuye; ndaye mna ndiya kumvusa ngomhla wokugqibela. Yohane 6:40

- Zonke izono zakho zihlawulwe kwaye zixolelwe.

(ixesha elidlulileyo, elangoku, elizayo)

Kodwa yena lo, esondeze idini lalinye ngenxa yezono, usuke wahlala phantsi ngasekunene kukaThixo ngokungapheliyo; Hebhere 10:12

- Usidalwa esitsha emehlweni kaThixo. Sisiqalo sobomi bakho obutsha. Ngoko ke, ukuba ubani ukuKristu, usisidalwa esitsha; izinto ezindala zidlule; yabonani, zisuke zaba ntsha izinto zonke. 2 Korinte 5:17

- Ube ngumntwana kaThixo. Ke bonke abamamkelayo wabanika igunya lokuba babe ngabantwana bakaThixo, abo ke bakholwayo kwigama lakhe: Yohane 1:12

Imisebenzi emihle ayiyondlela yokuba sisindiswe, kodwa ibubungqina okanye isiqhamo sosindiso lwethu.

Kuba thina singumsebenzi wakhe, sidalelwe kuKristu Yesu, ukuze senze imisebenzi elungileyo, awayilungisayo uThixo ngenxa engaphambili, ukuze sihambe kuyo. Efese 2:10

Inkosi ikusikelele!